

*Whakaetanga kia Mocketetia tetahi Whenua Maori.*

ISLINGTON, Kawana.

OTA KAUNIHERA.

I te Whare o te Kawana, i Poneke, te rua tekau ma whitu o nga ra o Hepetema, 1910.

Tu ana i reira :

KO HIS EXCELLENCY TE KAWANA I ROTO I TONA KAUNIHERA.

**N**OTEMEA kua whakaritea e tekiona rua rau e toru tekau o te Ture Whenua Maori, 1909, kua tetahi pukapuka tuku i tetahi whenua Maori i runga i te mokete, i te tiaati ranei, i tua atu ra i te mokete atu i te tiaati atu ranei ki tetahi Tari Kawanatanga Whakaputa Momi Mokete e whakatuturutia e tetahi Poari, e te Kooti ranei, ki te kore i matua whakaetia e te Kawana i roto i tona Kaunihera.

A notemea kua tukua he tono kia whakaae te Kawana i roto i tona Kaunihera kia moketetia nga poraka nga wahi whenua ranei e whakahuatia nei i roto i te Kupu Apiti ki tenei : A notemea he mea tika kia matua whakaputaina te whakaetanga a te Kawana i roto i tona Kaunihera :

Na reira, a His Excellency te Kawana o te Tominiona o Niu Tireni, i runga i te tohutohu me te whakaae a te Kaunihera Whiriwhiri o taua Tominiona, tenei ka whakaae ki te tukunga i runga i te mokete o nga poraka o nga wahi whenua ranei e mau nei i roto i te Kupu Apiti ki tenei.

A tenei ka panuitia ko tenei Ota Kaunihera he mea mahi i raro i nga tikanga mo taua mahi kei roto i te Ture Whenua Maori, 1909, a me whai mana ano he whakaetanga na te Kawana i roto i tona Kaunihera ki nga whakahaerenga kua whakamanaia e tenei.

KUPU APITI.

Te Ingoa o te Poraka.	Nga Eka.	Takiwa Porowini.
	E. R. P.	
Pokuru Nama 2f1 ..	191 3 21	Akarana.
Ngapaeruru 1B Nama 2c1	338 1 36	Haaki Pei.

J. F. ANDREWS,  
Karaka o te Kaunihera Whiriwhiri.

*Whakaatu kua taka tetahi Whenua ki raro i Wahi XVI o te Ture Whenua Maori, 1909.*

ISLINGTON, Kawana.

OTA KAUNIHERA.

I te Whare o te Kawana, i Poneke, i tenei te rua tekau ma whitu o nga ra o Hepetema, 1910.

Tu ana i reira :

Ko His Excellency te Kawana i roto i tona Kaunihera.

**N**OTEMEA ko te Komihana e huaina ana i roto i teki-ona rua rau e iwa tekau ma iwa o te Ture Whenua Maori, 1909, kua ripoata ki te Kawana, i mua atu i te timatanga o te mana o taua Ture, ko tetahi whenua Maori, ara, te whenua Maori e whakaaturia nei i roto i te Kupu Apiti ki tenei, me rahui hei kainga hei nohoanga mo nga tangata no ratou taua whenua.

Na reira, i runga i te whakahaerenga o nga mana mo tenei mahi kua whakawhiwhia ki a ia e taua tekiona rua rau iwa tekau ma rima, ko His Excellency te Kawana o te Tominiona o Niu Tireni, i runga i te tohutohu me te whakaae a te Kaunihera Whiriwhiri o taua Tominiona, tenei ka panui ko te whenua Maori e whakaaturia nei e te Kupu Apiti ki tenei me taka ki raro i Wahi XVI o te Ture kua huaina i runga nei, timata atu i te ra i tuhia ai tenei Ota Kaunihera.

KUPU APITI.

**K**ATOA tera wahi whenua, tona nui i runga i te ruritanga e 381 nga eka, nui atu iti iho ranei, kei roto i te Takiwa Ruri o Takahue, kei roto i te Takiwa Whenua o Akarana, a e mohiotia ana ko Mangataiorea Poraka. Nga rohe : ki te raki ko Victoria Awa me Tekiona 16 o te Parihi o Kaiaka ; ki te rawhiti he rori a ko Tekiona 144 o taua Parihi o Kaiaka ; ki te tonga ko Tekiona 144 me Tekiona 147 o taua Parihi o Kaiaka ; a ki te rato ko Tekiona 78 North East, ko Tekiona 78 North-west, ko Tekiona 77, me Tekiona 76 o taua Parihi o Kaiaka, haunga ia nga rori e haere ana ma runga i te whenua e whakaaturia nei ona rohe, ka kapea ana rori ki waho.

T. F. ANDREWS,  
Karaka o te Kaunihera Whiriwhiri.

*Rekureihana i raro i te Ture Taone Maori, 1895.*

ISLINGTON, Kawana.

OTA KAUNIHERA.

I te Whare o te Kawana, i Poneke, i tenei te rua tekau ma whitu o nga ra o Hepetema, 1910.

Tu ana i reira :

KO HIS EXCELLENCY TE KAWANA I ROTO I TONA KAUNIHERA.

**N**OTEMEA kua meinga hei ture e tekiona tekau ma waru o te Ture Taone Maori, 1895 (ka huaina i raro nei ko "taua Ture"), ka ahei te Maori whai paanga, i runga i nga huarahi kua whakatakatoria e nga rekureihana tera e mahia e te Kawana i roto i tona Kaunihera, ki te hoko ki te Karauna i tona paanga ki te whenua kua uru ki roto ki te Taone Maori i raro i taua Ture, a i te wa i paahitia ai taua Ture e ekengia ana e tetahi panuitanga i raro i tekiona tekau ma ono o te Ture Hoko Whenua Maori, 1892 :

Na reira, a His Excellency te Kawana o te Tominiona o Niu Tireni, i runga i te whakahaerenga me te whakatutukitanga i nga mana me nga kaha kua whakawhiwhia ki a ia e taua Ture, a i runga hoki i te tohutohu me te whakaae a te Kaunihera Whiriwhiri o taua Tominiona, tenei ka hanga i nga rekureihana e whai ake nei.

NGA REKUREIHANA.

1. Ko ia hoko ki te Kingi, i raro i tekiona tekau ma waru o taua Ture, i te hea o tetahi Maori e whai paanga ana ki te whenua kua uru ki roto ki tetahi Taone Maori, me riro ma te Poari Hoko Whenua Maori kua whakaturia i raro i te Ture Whenua Maori, 1909, e whakahaere e whakatutuki mo te taha ki te Kingi.

2. Ko ia whai paanga pera me hoko i runga i nga huarahi kua whakaritea e tekiona toru rau e ono tekau ma iwa o te Ture Whenua Maori, 1909, mo nga hoko whenua whiriwhiri Maori ki te Karauna.

J. F. ANDREWS,  
Karaka o te Kaunihera Whiriwhiri.